

یوحنا ی رسولی دو مین نامه

۱

۱ شیخی طرفی کا،

انتخاب بییه بانورا و چپی خردنون را که 'حقیقتی کا' اوون نه خشیمه- و نه فقط از، بلکم گرد گسونی که حقیقتی آزونستشونه-^۲ آ حقیقتی واسی که چمه وجودی کا ایسته و تا آبد آمه نه بَمندی.

۳ فیض و رحمت و سلامتی خدای دده طرفی کا و عیسیای مسیح طرفی کا، آ دده زوئه، حقیقت و محبتی کا آمه نه بَمندی.

محبت و حقیقتی کا زندگی گرده

۴ از ور شاد آبیمه که فهمستیمه بعضی اِشته خردنن، طبق حکمی که دده کا ویگنمونه، 'حقیقتی' کا زندگی بگردین. ° حسه، عزیزگرامیه بانو، به ته کا درخواستی هستیمه. نه ام که تازه حکمی به ته را بینویسیم، بلکم ه حکمی که صفته نه هستیمونه، ام که یندی محبت بگرم. ۶ محبت امه که آمه طبق چپی احکام زندگی بگرم. حکم امه، هته که صفته نه دَرسرونه، تا آپی کا زندگی بگزه.

۷ چوم دنیا کا ور حقه بازن استینه، که اقرار نگرن که عیسیای مسیح آدمی جسمی کا اومه به ام دنیا. انته ره آدمین ه حقه بازن و ضد مسیح استینه.

۸ شمه هواس جمع ببو تا آ کاری ثمره که آمه انجام دوعمونه به و امدییه، بلکم ایله پاداشی کامل ویگزه. ۹ هر کسی که مسیح تعلیمی کا پیشتر بشو و چپی دیله کا ثابت مَمونه، خدا نیشه، هر کسی که آ تعلیمی کا ثابت بَمندی، هم دده هستشه و هم زوئه. ۱۰ اگم کسی بوئی شمه ور و ام تعلیمی موآره، آئی شمه ک کا راه مَدییه و آپی نه موآجه خش اومیش؛ ۱۱ چوم آ کسی که آئی نه بوآجه خش اومیش، چپی شروزه اعمالون دیله کا شریک بی.

خاتیمه

^{۱۲} وِر چيون هِسْتِمِه كه شِمَه را بينويِسِم، اَمّا نِپِيسْتِمِه مُرْكَب و كاغذى نَه
بِبو. بَلْگَم اميد دارِم بام شِمَه وَر و يَنْدى نَه ديماديس گَف بَرْنَم تا چَمَه شادى
كامل آبو.
^{۱۳} اِسْتِه اِنْتخاب بِيَه خالا خِرْدَنِن، بَه تِه را سلام آرساوونِن.

